



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Et suffraganeis Ecclesiae Senonensis.

urn:nbn:de:hbz:466:1-20020

cialius permanebat, de nocte latenter mutato habitu quasi nudum ad sedem apostolicam destinavit. Cum autem dictus Episcopus appellationem interpositam per procuratorem idoneum memoratum Capellum suum fuerit prosecutus, dictus Rex non curavit idoneum mittere responsalem; licet quidam simplex nuntius ipsius P. dictus Abbas nobis ex parte sua litteras minus providas presentarit. Quia verò quanto prædictum Regem ampliori caritate diligimus, tanto majori dolore turbamur quotiens nobis ea de ipsius actibus referuntur qua famam ejus obnubilant apud homines & conscientiam maculant apud Deum, fraternitati tuæ per apostolica scripta mandamus atque præcipimus quatenus eundem Regem moneas attentiū & efficaciter inducere non postponas ut memoratum Episcopum propriū restituat libertati, ablata eidem restituens universa, & de dannis, injuriis, & gravaminibus supradictis sibi & Ecclesia irrigatis satisfaciens competenter, ab eisdem & similibus de cetero sic desistat quod offensam divinæ majestatis eviret, quam propter hoc creditur incurrit, & apud homines ejus opinio, quæ per prædicta maculata fuerat, relevetur. Alioquin, quantumcumque ipsius velimus honori deferre, quia tamen homini contra Deum deferre nolumus aliqua ratione, omni gratia, timore, ac amore postpositis ipsum ad hoc per illam quam magis videris expedire censuram & per pecnam in compromissu statutam, quæ se, sicut ex litteris Bracarensis electi nuper accepimus, voluntariè obligavit, sublato cuiuslibet contradictionis & appellationis obstaculo compellere non postponas. Datum ut in alia per totum.

E I D E M.

*Epiſ. 10.
De negoſcio E-
piscopi Colim-
brenſis cum
Egitaniensi.*

Licet venerabilis frater noster Colimbrensis Episcopus, pro eo quod inter ipsum & Egitaniensem Episcopum suffraganeum tuum super limitatione episcopatus suorum & quibusdam aliis quæstio ventilatur, te in causa sua possit judicem recusare, nos tamen de discretione tua ac prudentia plenè confisi, causam suam, quam habet contra carissimum in Christo filium nostrum Regem Portugalensem illum, tibi de certa scientia duximus committendam. Quocirca fraternitati tuæ per apostolica scripta mandamus quatenus habens præ oculis solum Deum, taliter in negotio ipso procedas quod & idem Episcopus suam & Ecclesias suæ justitiam pro-

sequatur, & nos devotionem tuam possimus exinde meritò commendare. Ceterum quia, sicut accepimus, Cancellerius ejusdem Regis litteras nostras vel delegatorum nostrorum, quæ mittuntur eidem, ob favorem ipsius aut interpretatur alicer quām se habeant, aut omnino subiectet quod noscit regis auribus displicere, volumus & mandamus quatinus litteras quas super eodem negotio ipsi Regi dirigimus, per tuum Clericum ei præsentari facias, & legi etiam continentiam earundem; ipsum Cancellerium monens auctoritate nostra pariter & inducens ut sicut divinam non vult & nostram indignationem incurrere, ab opere tam iniquo de cetero conquefacat. Datum ut in alia.

A R C H I E P I S C O P O E T
ſuffraganeis Ecclesiæ Senonensis.

ADversus quosdam Clericos vestrum dioecelum, qui dudum ad sedem apostolicam accedentes, à vicinis Episcopis, Castellano videlicet, & Ortano, Santino, & Nepesino, temerè se fecerunt sacros ordines promoveri, gravi fuisse indignatione commoti, pro eo maximè quod quosdam eorum per falsas litteras & simoniacam pravitatem accepimus fuisse promotos. Vnde ordinatores à potestate suspendimus ordinandi, & ordinatis executionem interdiximus ordinum taliter susceptorum, super hoc vobis litteras apostolicas deltingentes. Nuper autem multi de ipsis ad nostram præsentiam revertentes, cum multo fletu & ejulatu quotidie non cessabant ad nos opportune importuna clamare, suppliciter obsecrantes ut cum eis misericorditer agere dignaremur. Quibus diu nos difficiles exhibuimus & severos in tantum quod eis sub pena excommunicationis injunximus ut redirent, nec nos super hoc diutiū moleſtarent. Sed nec sic quidam eorum ab obsecrationis infinita desistere voluerunt, quod magis repellebantur à nobis, ed magis apud nos ut miseremur instantes. Ejus denique nos exemplo qui cùm iratus fuerit non obliviscitur miseri, rigorem mansuetudine providimus temperandum, cùm & ipsi, exemplo Iacob luctantis cum angelo, nullatenus nos dimitteret, nisi ei benedicere curaremus. Quocirca fraternitati vestra per apostolica scripta mandamus quatenus his qui de prædictis duobus criminibus canonice se purgaverint, falsitate videlicet litterarum & simoniaca pravitate, suspensionis sententiam quam in eos tulimus relaxet;

relaxetis; ut si alias digni sint & idonei, & vos eis concedere volueritis, in vestris possint dioecesis ministrare. Ad hæc, per dioeceses vestras ex parte tam nostra quam vestra publicè ac districtè vetetis ne quis ulterius se faciat taliter ordinari. Et ne facultas venia incentivum tribuat delinquendi, quicunque de cetero fuerit taliter ordinatus, eo ipso se noverit ab ordinis executione suspensum. Datum Laterani 11. Kal. Martij, pontificatus nostri anno quartodecimo.

*ABBATISSÆ ET MONIALIBVS
Aurignaciensibus.*

Dif. 12.
Ne beneficia
non vacantur.
CVM ex injuncto &c. ut supra lib. XIII. epist. c. cv. usque attentantur. Sanè, te, filia Abbatisa, referente ad nostram audentiam est delatum quod Abbatisa quæ te præcessit & vos ad multorum instantiam importunam quibusdam non vacanta beneficia promisisti, pensionem eidem ipsorum nomine concedentes in vestri monasterij læsionem. Quia igitur id contra statuta &c. ut supra usque incursum. Datum Laterani vi. Nonas Martij, anno quartodecimo.

*HENRICO ELECTO SANCTI
Stephani Herbipolensis.*

Olim in dilecti filii nostri Benedicti tituli sanctæ Sulannæ Presbyteri Cardinalis, quem tibi & * O. procuratori venerabilis fratri nostri Wirzeburgensis Episcopi auditorem concessimus, praefectio constitutus, proponere curavisti quod cum in Abbatem monasterij sancti Stephani fuisset electus, & electionem tuam prædictus noluissest Episcopus confirmare, ad venerabilem fratrem nostrum Heisterensem Episcopum & dilectum filium Abbatem * Halfbrunensem commissionis litteras impetrasti, cùmque coram ipsis inter te ac quosdam monachos adversarios tuos lis fuisset legitimè contestata, quoniam pars adverfa non solum comparere noluit in terminis peremptoriò etiam affligatis, sed quendam alium in prædictum monasterium intrusere, judices receptis ex parte tua quibusdam testibus, te in possessionem caufa rei servandæ mittentes, eum quem adversarij tui duxerant in monasterio intrudendum cum omnibus fautoribus suis excommunicationis sententia subjecerunt. Ad hæc autem respondebat Episcopi procurator quod & tu per falsi suggestionem prædictas litteras impetraveras, & inordinatè processerant judices memorati: quia cum

Tom. I L.

inter te ac Episcopum fuisset causa commissa, ipsi, Episcopo non citato, contra prædictos monachos, de quibus in commissione mentio non fiebat, post appellationem ad nos interpositam prælumpserant iudicium exercere. Nos igitur his & aliis quæ coram eodem Cardinale proposta fuerant plenius intellectis, tam id quod de illo extiterat attentatum qui lite pendente per adversarios tuos intrusus fuerat in Abbatem, quam illud quod te in possessionem causa rei servandæ judices induxerant memorati, decrevimus irritum & inane, ac de consensu partium venerabili fratri nostro Episcopo & dilectis filiis majoris Ecclesiae & sanctæ crucis Præpositis Augustenibus dedimus in mandatis ut vocatis ad præsentiam suam quoescunque nosceratis evocando, te ac sociis tuis ad stipendia restitutis, & absolutis secundum formam Ecclesiae absolvendis, audirent caufam, & tam recipiendis attestationibus quam receptis legitimè publicatis, eam fine canonico sublatro appellationis obstaculo terminarent. Ipsi vero receptis per quosdam viros discretos testibus, & per se tandem attestationibus publicatis, post multas exceptions & alia utrinque propofita, quia quidam testes eis contrarij videbantur, causam ad nos remiserunt instruc tam, vigiliam beati Andreae partibus terminum præfigentes quo nostro se conspectui præsentarent sententiam recepturæ. Quamvis autem tu propter hoc ad sedem apostolicam accessisses, pro parte tamen altera nullus comparauit responsalis. Quare te oportuit diutius expectare. Tandem vero, ne pars altera lucrum de contumacia reportaret, sed ejus absentia Dei præsencia suppleretur, aperiri gesta fecimus & examinari omnia diligenter. Contra te igitur videbatur propositum & probatum quod cum juri eligendi renuntiatum in Episcopi manu fuisset, ipse monachus sub hac forma licentiam tribuerat eligendi si possent in personam idoneam de gremio ipsius Ecclesiae convenire, alioquin, ne sine ipso vel nuntio suo procedere attentarent districtus curaverat inhibere. Ipsi ergo super electione tractantibus, in quatuor arbitros fuit ab omnibus compromissum, sic videlicet ut si unus etiam ab aliis discordaret, quod tres facerent non valeret. Qui cum in quadam camera convenissent, nec potuissent adivicem concordare, sed recessissent de loco ipso discordes, Iohannes cum sociis suis accedens ad eos, ex Episcopi parte prohibuit ne ulta.

Tet